

**O avrikidņipen
andro organi le samospravnone krajengere**

Informacija vaš o voliĉis

I

Datumos the ĉasos, kana o avrikidņipen aĉhel

O avrikidņipen andro organi le samospravnone krajengere aĉhel

sombatone andro d'ives 4. novembris 2017 le 7:00 orendar dži 22:00 ori

II

O ĉaĉipen te kidel avri

O ĉaĉipen kaj te kidel avri andro organi le samospravnone krajengere hin le obĉanos la Slovenskona republikakero the le avrethemeskeres, so les hin permanentno bešiben andro foros gav, so perel andre le samospravnone krajoskeri phuv (územie samosprávneho kraja), abo saves hin permanentno bešiben andro slugadžengero obvododos, so perel vaš e chasna le avrikidņipnaskeri andro organi le samospravnone krajoskere andre leskeri phuv (územie) (dureder ĉa "le samospravnone krajoskero bešutno") u najnasigeder andro d'ives, kana o avrikidņipen aĉhel, dochudela 18 berš.

Kana le dženese nane ĉaĉipen kaj te kidel avri:

- te leskeri osobno sloboda hiņi odcirdĭi le zakonostar, bo kampil te arakhel o sakonedženengero (verejno) sast'ipen,
- te o dženo hin andre bertena, bo kerďa varesavo igen baro phujiben.

III

O ĉaĉipen te aĉhel avrikidno

Sar biĉhado vaš le samospravnone krajoskero aĉhad'ipen šaj aĉhel avrikidno o bešutno, so les hin permanentno bešiben andro foros gav abo andro slugadžengero obvododos, so perel andre phuv (územie) le avrikidņipnaskere obvodoskero, andre savo jov kandidinel, u najnasigeder andro d'ives, kana o avrikidņipen aĉhel, dochudela 18 berš.

Sar le samospravnone krajoskero predsedas šaj aĉhel avrikidno o krajoskero bešutno, savo najnasigeder andro d'ives, kana o avrikidņipen aĉhel, dochudela 25 berš.

Kana le dženese nane ĉaĉipen, kaj te aĉhel avrikidno:

- kana o dženo hin andre bertena (ov chudņa ajso trestos, hoj leske odile leskeri sloboda),
- o dženo aĉhil'a pravomocnones odsudzimen vaš oda, hoj džanindos kerďa varesavo trestno keriben, te kada, hoj les odsudzinde, na aĉhil'a zauĉhardo,
- le dženeseke odcirdle e zor kaj te te kerel pravna keribena.

IV

Sar te del hlasos

O voliĉis šaj kidel avri ĉa andro foros gav, kaj permanentnones bešel, andro avrikidņipnaskero okrskos, kaj hino zapisimen andre le voliĉengero soznamos.

O voliĉis musaj, kana avel andro avrikidņipnaskero kher, te presikhavel la okrskovona komisijake leskeri identita pal kada, hoj anglethovel leskero obĉiansko preukazis abo o doklados pal o bešiben vaš o avrethemeskero.

Paľis e okrskovo avrikidņipnaskeri komisija zakerekinela le voličeskero šorakero numeros andre le voličengero soznamos the dela avri le voličes duj avrikidņipnaskere kartki - e avrikidņipnaskeri kartka vaš o avrikidņipen andro ačhad'ipen the e avrikidņipnaskeri kartka vaš o avrikidņipen le predsedaskero le samospravnone krajoskero the čuči kopertka, pre savi hiņi uradno pečiatka le foroskeri gaveskeri (le foroskeri abo le foroskere kotoreskeri pečiatka). **O voličis potvrdzinel, hoj reš'as o avrikidņipnaskere kartki andre le voličengero soznamos leskere vlastnovasteskere podpisoha.**

Sako voličis musaj anglo avrikidņipen te džal andro osobitno than, kaj pes pririchtinen o avrikidņipnaskere kartki. Le voličiske, so na džala andro osobitno than, kaj pes prikeren o avrikidņipnaskere kartki, e okrskovo avrikidņipnaskeri komisija nadomukhela te del hlasos.

Pre avrikidņipnaskeri kartka vaš o avrikidņipen andro ačhad'ipen šaj o voličis zakerekinel najbuter ajci šoroskere čisli le kandidatengere, keci bičhade hin te ačhel avrikidne andro prislušno avrikidņipnaskero obvodos. (Keci bičhade pes kiden avri andro avrikidņipnaskero obvodos, hin pisimen pre avrikidņipnaskeri kartka.)

Pre avrikidņipnaskeri kartka vaš le predsedaskero avrikidņipen šaj o voličis zakerekinel o šoroskero čislos ča jekhe kandidatoskero.

Andro osobitno than, kaj o avrikidņipnaskere kartki pes prikeren, thovel o voličis andre kopertka jekh avrikidņipnaskeri kartka vaš o avrikidņipen andro ačhad'ipen the jekh avrikidņipnaskeri kartka vaš o avrikidņipen le predsedaskero le samospravnone krajoskero. O voličis del hlasos avka, hoj paľis, sar mukhela o osobitno than, kaj o avrikidņipnaskere kartki pes prikeren, thovela e kopertka andre avrikidņipnaskeri baksica.

Kana o voličis kada mangel, e okrskovo avrikidņipnaskeri komisija les dela avri vaš o namištes prikerde avrikidņipnaskere kartki aver avrikidņipnaskere kartki. O voličis thovel o namištes prikerde avrikidņipnaskere kartki andre baksica, kaj pes thoven o nachasņarde abo namištes prikerde avrikidņipnaskere kartki.

O voličis, so na birinel korkoro te prikerel e avrikidņipnaskeri kartka, bo nane sasto abo vašoda, hoj na šaj genel abo pisinel, del te džanel kada la okrskovona avrikidņipnaskera komisijake. Les hin o čačipen kaj te lel peha andro than, kaj pes prikeren o avrikidņipnaskere kartki, aver sposobilo dženo, kaj kada dženo te prikerel e avrikidņipnaskeri kartka avka, sar o voličis kamel u sar kada kempel te kerel pal o zakonos, the te thovel e kartka andre kopertka. Angloda, sar soduj džene džana andro osobitno than, kaj pes prikeren o avrikidņipnaskere kartki, o členos la okrskovona avrikidņipnaskera komisijatar len dela god'i pal kada, sar kempel te del o hlasos the pal e skutkovo podstata le trestnone keribnaskeri, so kerel kada dženo, so mosarel o kisiťimen the o prenašad'ipen le avrikidņipnaskero (příprava a priebch volieb). La okrskovona komisijakere členi našťi prikeren o avrikidņipnaskere kartki vaš o voliči.

O voličis, so na birinel korkoro te thovel e kopertka andre avrikidņipnaskeri baksica, bo hino nasvalo, šaj mangel, kaj varesavo aver dženo thovel e kopertka andre avrikidņipnaskeri baksica. O voličis musaj te jel pritomno paš oda, kana o aver dženo kada kerel. Le členenge la avrikidņipnaskera komisijatar aľe nane domukhlo kada te kerel.

Le voličis, so našti avel andro avrikidņipnaskeri kher, bo les hin bare, perše sast'ipnaskere dovody, hin o čačipen te mangel o foros gav the andro d'ives, kana ačhel o avrikidņipen, e okrskovo avrikidņipnaskeri komisija, kaj te šaj del hlasos andre hordind'i avrikidņipnaskeri baksica. Kada aľe šaj ča andro phuvakero (uzemno) obvodos, andro savo hin o avrikidņipnaskero okrskos, so vaš leske e okrskovo avrikidņipnaskeri komisija kerd'il'as.

O voličis musaj te odthovel o nachasņarde abo namištes prikerde avrikidņipnaskere kartki andre zapečaťeno baksica, kaj pes o nachasņarde abo namištes prikerde avrikidņipnaskere kartki odthoven, avreder jov kerela prestupkos u resela pokuta 33 euri.